

相害命以此為樂遂與諍聞轉相推撲還相
傷害節節解之頭頸異處或刺其身血流如
泉刀刃在體苦安可言刀瘡之處火從中出
或身摧碎譬如亂風吹落樹葉有卧在地身
碎如塵須臾之間身復如故於是頌曰
挽髮相杖踰 及轉相牽曳 罪人會共鬪
苦惱無央數 恐怖更相加 當爾時大戰
譬如拔叢樹 相推盡如是
爾時罪人須臾平復涼風四來吹令如故也
守獄之鬼水灑人上已活且起過惡未盡故
使不死聞獄鬼聲即起如故於是頌曰
以水灑其身 涼風來吹之 爾時獄罪人
又聞守鬼言 罪人身壞碎 即活而有想
塵勞罪未盡 當復受考治
爾時罪人住轉復相見即懷瞋恚口唇戰慄
眼赤如血腸膈脫落戰鬪如故結怨已來其
日因久身體傷壞墮地流血譬如濁泉身體
平復復從地起相害如故於是頌曰

墮於地獄中 勤苦不可言 相害懷大恐
宿罪之所致 數數而見害 還復活如故
惡意反相害 積罪無休息 於此世間人
喜造為殺害 在於想地獄 受罪如本行
是故同行入 久長處罪獄 相奪命無數
死復生如故 往世犯罪者 墮於想地獄
譬如芭蕉樹 適壞旋復生
罪人若墮黑繩地獄彼時獄鬼取諸罪人排
著熱鐵之地又持鐵繩及熱鐵鋸火自然出
拼直其體以鋸解之從頭至足令百千段譬
如木工解諸材板於是頌曰
守獄之鬼受王教 鐵繩拼身以鋸解
接四
其鋸火燃上下徹 撲人著地段段解
守鬼又以斧斫其身斤鑿并行譬如木工斫
治材木或令四方而有八角治罪人身亦復
如是於是頌曰
守鬼罪人惡行會 斧鑿斤鋸及與繩
劈解罪囚如木工 譬如有人新起屋

時獄守鬼火燒鐵繩互槩其身截肌破體徹骨至髓脊脊髀脛頭頸手脚各各異處於是頌曰

考治百種痛 在於黑繩獄 皮剝以斧解 見斫如起舍 各支解其身 血出如流泉 骨肉別異處 酷痛叵具言 閻王之守鬼

破其身如是 彼過罪未盡 膿血流若斯 其有墮在合會地獄罪垢所致令罪人坐鐵釘其膝次復釘之盡遍其體身破碎壞骨肉皆然諸節解脫各在異處其命欲斷困不可言自然有風吹按諸釘平復如故更復以釘而釘其身如是苦惱不可計數百千萬歲於是頌曰

以無央數百千釘 從空中下如雲雨 碎其人身若磨麪 本罪所致遭斯厄 次兩鐵椎及復鐵杵黑象大山鎮其身上如擣甘蔗若竿蒲菹髓腦肪膏血肉不淨皆自流出於是頌曰

樓四

三

黑象鐵杵大石光 竿以鐵鞭碎其身 見地獄鬼皆懷慄 破壞其身如甘蔗 以鐵軛輪而竿其身如盛麻油置著日中以杵擣之於是頌曰 獄吏無慈仁 以鐵輪杵曰 困苦於罪人 如竿于麻油

亦時罪人遙覩太山見之怖走入廣谷中欲望自濟而不得脫適入其谷轉相謂言此山多樹當止於此時各怖散在諸樹下山自然合破碎其身於是頌曰 以積眾罪殃 已之本所造 彼時諸罪人 悉入於山谷 適入山谷已 彼山自然合 破罪人身時 其聲甚悲痛

害牛羊猪鹿飛鳥 既無加哀奪人命 在合會獄痛無數 危他人身獲此惱 又遙見火燒罪人謂言此地平博草木青青 譬如琉璃當往詣彼亦乃安隱即行逆火坐 樹木間四面火起圍遶其身燒之毒痛號哭

悲哀東西南北走欲避此火輒與相逢不能
自救於是頌曰

爪髮自然長 色變燒炙痛 風吹體舌乾

見獄吏怖懔 無數眾罪人 為炎之所燒

烟動火燔之 如蛾入燈中

又復遙見鐵葉叢樹轉相謂言彼樹甚好青

草流泉共行詣彼無數百千諸犯罪人悉入

樹間或坐樹下或有駐立或有睡卧熱風四

起吹樹動搖劒葉落墮在其身上剥皮截肉

破骨至髓傷脅背截項破頭於是頌曰

多所依信害眾生 墮于地獄謂有活

熱風四起落鐵葉 譬如牛鬪傷如是

爾時鐵樹間便有自然烏鵲鷓鴣其口如鐵

以肉血為食住人頭上撮眼而食破頭噉腦

於是頌曰

彼人前世時 依信而害生 以鐵落身上

解解而斷截 烏鵲甚可畏 四面來擊人

住頭而脫眼 發腦而食之

樓四

四

於是鐵葉大地獄中便自然生眾狗正黑或

有白者走來喚吼欲喫罪人罪人悲哭避之

而藏或有四散或怖不動狗走及之便排罪

人斷頭飲血次噉肉體於是頌曰

張口齒正白 吼鳴聲可畏 吐舌而舐脣

強逼傷害人 以刀傷其身 鳥獸所食噉

苦毒見惱害 坐依信殺生

尔時罪人為狗所欺烏鳥所害恐怖忙走更

見大道分有八路皆是利刀意中自謂生草

青青有若干樹當往詣彼行利刀上截其足

跌血出流離於是頌曰

其人受經律 破壞於法橋 見有順戒者

而強教犯禁 逐之入長路 刀刀截其足

足下皆傷壞 窮極不自在

尔時遙見諸刺棘樹高四千里刺長尺六其

刺皆錐自然火出罪人心念彼是好樹種種

華實皆共往詣到鐵樹間於是頌曰

遙見鐵樹葉 枝柯甚高遠 利刺生皆錐

或上或向下 其罪人反見 謂為是果樹
 宿命罪所致 殃垢之所犯
 爾時有羅刹顏貌可畏爪髮悉長衣被可憐
 頭上火出獲持兵杖來搗罪人勅使上樹罪
 人恐懼淚出交橫悉皆受教其刺向下皆貫
 破身傷其軀體血出流離於是頌曰

樓四

五

體大色如灰 麓穢惡耳張 獄王使持杖
 皆搗擊刺人 前世積罪殃 愚喜犯他妻
 自言我宿過 血流刺傷身
 爾時罪人為守鬼所射箭至如雨涕泣悲哀
 呼使來下刺便上向貫體如畜復喚使上罪
 人叉手皆共求哀歸命惡鬼願見原赦於是

頌曰

從刺樹上來下已 獄王守鬼逆刺害
 為箭所射而叉手 求哀可憐欲免罪
 時獄守鬼聞見求哀益以瞋怒復重搗刺更
 遣使上體悉傷壞啼號還上於是頌曰
 獄王守鬼而搗刺 求哀欲脫鬼益怒

時諸刺貫身悉傷 勅使還上復如故
 彼鐵樹邊有二大金猶若大山守鬼即取犯
 罪之人著鐵釜中湯沸或上或下譬如人間
 大金之中煮于小豆而沸上下人於鑊湯若
 千萬億年考治毒痛於是頌曰

設得為國長 橫制於萬民 以至地獄界
 考治百億年 墮于鑊湯中 在金而見煮
 以火燒煮之 譬若如煮豆
 從鐵釜脫遙見流河轉相謂言彼河洋洋而
 有威神水波興隆眾華順流兩邊生樹其葉
 青青蔭彼河水底皆流沙其水清涼往詣飲
 水洗浴解疲兩邊生棘罪人不察入彼河水
 悉是沸灰於是頌曰

其人前世害水蟲 血肉皆落遺骨腦
 本謂凉水反沸灰 甚深血熱沸踊躍
 罪人墮在沸灰地獄髮毛爪齒骨肉各流異
 處骸體筋纏隨流上下適欲求出守鬼鈎取
 卧著熱地風起吹之體復如故獄鬼問曰卿

所從來欲何所湊罪人答曰不審去來計從若干百千億歲飢不獲食其以飢渴故守鬼取鈎鈎開其口以燒鐵丸又以洋銅注其口中燒罪人咽腹內五臟悉爛腸胃便下過去毒痛甚不可言過惡未盡故不死也去河不遠有二地獄名曰叫喚二名大叫鐵以為城

樓四

之

樓檣百尺埤堦嚴牢悉以鐵網覆蓋其上罪人相謂此城大好共往觀之適入中已心自念言以脫恐難無復眾惱歡喜跳踉皆稱萬歲或面拍地或仰面卧或睡眠躄破傷面者四垣從外自然有火燒諸樓檣埤堦眾網及門悉然城內皆火燒罪人身展轉相見譬如然炬猶若掣電亦如散火焚體毒痛譬如火箭射象叫喚苦痛巨言積百年已東門乃開時無央數百千罪人悉走趣門適至便閉相排墮地如大樹崩轉相鎮壓若如積薪過惡未盡故令不死於是頌曰

至恐怖處叫喚獄 求救護故而到彼

如大積薪以火燃 罪人如是相積燒 若斯燒毒痛 叫喚走四散 常畏於獄鬼 恐怖而懷懼 若受於所寄 抵突不肯還 閉在叫喚獄 惡罪受毒痛

受無央數之苦酷 為火所燒甚困厄 遭無量惱不可言 罪人叫呼大叫喚

尔時罪人脫出叫喚獄次入阿鼻摩地獄守鬼尋即錄諸罪人五毒治之挖其身體如張牛皮以大鐵釘釘其手足及釘人心拔出其舌百釘釘之又剥其皮從足至頭於是頌曰 挖身如牛皮 鐵釘而釘之 兩舌之所致 鐵釘壞其舌 剥身皮曳地 若如師子尾

樓四

七

如是計數之 受苦不可量

於是守鬼錄取罪人駕在鐵車守鬼御車以勒勒口左手執御右手持杖搥之令走東西南北罪人挽車疲極吐舌被杖傷身破壞軀體而皆吐血躄地傷胃於是頌曰

罪人駕之以鐵車 獄鬼驅之令奔走

搗撈其身而吐舌 如馬戰鬥被矛槍
 若無有信輕善人 自犯罪惡謂應法
 殃罪引之入阿鼻 受無殃數諸苦毒
 阿鼻地獄自然炭火至罪人膝其火廣大無
 有里數尔時罪人發於邪念反從曲道謂是
 好地即入火中燒其皮肉及筋血脉適還舉
 足平復如故於是頌曰

時炭火燃至于膝 既自廣大復風吹
 罪人行上燒爛皮 捨正入邪罪如斯
 得離此獄去之不速有沸屎獄廣長無數其
 底甚深罪人見之謂是浴池轉相語言彼有
 浴池中生青蓮五色之華當共往洗飲水解
 渴悉皆入中沉沒至底中有諸蟲其口如鍼
 以肉為食鑽罪人身壞破肌膚從足鑽之乃
 出頭上眼耳鼻口皆有蟲出本罪未竟故令
 不死於是頌曰

罪果所致受毒痛 爾時罪人阿鼻獄
 苦酷叫喚而懊惱 控其身體鐵釘之

沸屎臭不淨 廣長無數里 惡露皆在彼
 其底而甚深 犯罪無一善 墮此閻王獄
 斯諸罪人輩 鍼齒蟲噉之

在炭火獄及阿鼻 并一切瑕沸屎中
 墮於流河罪所興 宿殃所致故不死

於是有一獄名燒炙煇煮彼時守鬼所諸罪
 人段段解之持著鐵上以火熬之反覆鐵弗
 以火炙之於是頌曰

已到于大苦 在燒炙煇煮 罪中殃差者
 則識本行惡 以刀段段解 破壞令無數
 用弗燒炙之 著鐵上熬之 在燒炙煇煮
 可惡為瑕惱 無數人見酷 如厨作肉羹

樓四

八

設言於賢者 投之大火中 其犯戒壞法
 洪象見蹈踐 作人性剛弊 常喜害眾生
 所食無所擇 生城守獄鬼

修行道者心自念言吾身將無以如此之比
 墮八罪獄及十六部又吾前世無數生來更
 斯惡道假令不能究竟聖道當復入中譬如

有人犯於逆惡王勅邊臣明且早時矛刺百槍日中刺百向真刺百彼人一日被三百槍其身皆壞無一完處體痛苦毒甚不可言雖有此痛比地獄惱百千萬億無數之倍不可相喻地獄之痛其苦如是也於是頌曰

自犯衆惡牽致斯 毒痛見考而可惜

觀此苦惱當諦思 常勤精進速成道

其修行者立是學地當除歡喜堅固其心若志輕舉當自制止譬如御者將抑馳車於是頌曰

喻若燒炭火 未曾有休息 常遭此苦痛

晝夜酷無量 以利諸矛戟 見刺百倍痛

計此衆惱苦 不比獄毛痛

其修行者心自念言吾身今者未脫此患不當歡欣如是自制不復輕戲若立斯者則能專行入于善法行者爾乃戰慄驚恐夙夜不違其法於是頌曰
觀衰耗若斯 如樹果自復 且觀罪塵勞

接四

九

積之如太山 見是穢濁苦 人犯墮惡道
專精在修行 棄歡及調戲

觀於惡道窈冥苦 而佛經法照如日

以厭衆患順講此 依鈔經卷除輕慢

勸悅品第二十

承慧德度泉 道成清為流 其智常飲此

脫以法甘露 厭水而無盡 猶窮漏不斷

願歸智慧種 道德以具足 其以羸弱者

承學意自達 造度定意便 立志法禪思

其佛天中天 行權善方便 現無量智慧

身心歸稽首

假使修行發羸弱心心自念言我得善利脫

于八難得閑自在吾以還遇一切智師而身

歸命其法無欲衆僧具成吾已梵行種道有

成者或向道者衆人墮邪我順正道餘人行

反吾從等行今我不久為法王子天上人間

歎戒德香不匿其功德得不熱惱爾乃安隱

服解脫味日當飽滿獲救濟安度於惡路無

有恐懼乘于寂觀入八道行致無恐難趣泥
洹城以是自勸遵奉精進於是頌曰

修行設羸弱 常僥遇法利 吾得歸世尊

正法及眾僧 方便歡喜心 以勸羸弱意

常專思遵奉 是謂為修行 初學及成道

人雜如叢樹 以離於邪徑 便立在正路

戒德以為香 譬如林樹熏 忽然而解脫

得道則普現 而從佛生經法樹 因眾要鈔如採華

正法須更有懈怠 欲令自勉故說是

修行道地經卷第四

樓四

鋒利上音矛戟下音推撲上音蹴

慄下音日反拼直上音斤鑿下音互槩下音鐵

捷下音追反竿音鞭上音下音他音回反燔音熾音皆音雜下音

利反嚙上音使上音金音樓音櫓音埤音坵音抵音突音

跳下音蹀上音長音掬音電音列音反音盧音於音合音抵音突音

反音控音宅音挽音車音晚音躡音地音益音上音毗音矛音槍音羊音下音天音七音鑽音官音

十末

反音噴音子音委音焯音煮音上音方音鐵音吾音苦音熬音吾音高音鐵音鏗音下音

反音產音僥音古音堯音撮音子音活音

修行道地經卷第五

樓五

西晉三藏竺法護譯

行空品第二十一

各自名人物 悉知其本号 曉來主微苦

如蓮華根然 以審諦觀故 無有吾我想

人常不計身 願禮無著尊 其光照於世

如炬明冥室 厥心之所覩 一切無固要

我歸命彼覺 其心行平等 察諸天及人

普見如空人

設修行者有吾我想而不入空則自尅責吾

衰無利用心呈礙不順空慧樂吾我想憂感

自勉誘心至空或試其志誘之向定因至本